

Sam me In kana/ Famili fitilong lon Kokkoten Sukul me och

Kumin Chon Emwen Minen Sukul lon Leenien St. Joseph (St. Joseph School District Board of Education) ra lúkú pwe a men lamot pwe sam me in kana/chon ar famili repwe fitilong lon kókkótun sukul pwe nour kana repwe lipwákéchuló lon sukul. Ewe Kumin Chon Emwen ra sile pwe epwe wiser, fiti sam me in kewe, chon famili, me chon oru menisin ar repwe asukula emén chon sukul atun a fiti sukul. Ewe Kumin Chon Emwen ra lúkú pwe mi lamot ar repwe efisi nonnomunen sukul mi emecheresi kaé me mi lamot epwe kapach án ewe famili unusen tinikken le penatá ena kokkot. Mi lamot sam me in kana/ famili repwe angangfengen me chon ewe Department of Elementary and Secondary Education (DESE), chon emwen, sam me in kana/famili me chon oru lon kókkótun sukul.

Alen Tikkeri Án ekkewe Sam me In/Famili Fitilong

Ewe Kumin Chon Emwen ra sile lamoten ar repwe atailó minne mi epeti án ekkewe sam me in/famili fitilong, pwe epwe efisatà eú nonnomun mi apéchékkúla angangfengen lefilen ekkewe sam me in/famili me chon oru. Iwe nge, chon emwen repwe fératá me anganga eú kokkotun emecheresi fitilongun ekkewe sam me in/famili, epwe kapachelong ekkei onu (6) al:

1. Apéchékkúla pwpoworousfengen mi lipwákéch lefilen chon imw me chon sukul.
2. Apéchékkúla tumunufichiin ekkewe nau.
3. Sissile enletin auchean án sam kana me in/famili allilis pwe nóúr kewe repwe kaé.
4. Apéchékkúla eú nonnomun mi lúkúlúkéch me kinamwe pwe sam me in kewe/famili ar repwe churi ekkewe sukulen nóúr kewe, me tittingormau pwe repwe alisi me peni ekkewe prokram lon sukul.
5. Etiwa sam me in kana le unusen lefilifilfengen woon met a kúú chon ar famili.
6. Áeá minnen allilis me ren chon oru le apéchékkúla me penatà ekkewe prokram lon sukul, mwékútúkútún famili me lipwákéchún chon sukul.

Án chon emwen alen tekkeri ekkei kokkot:

1. Awora minnen emirit ngeni sam me in kana usun minne mi lamot ngeni nóúr kewe lon pekin ekiek me maritá ese lefilifil ieriir. Epwe kapachelong penatán angangfengen lefilen chon emwen me ekkoch mwiicheich are kumin sukul/chon oru (awewe chék Mwiichen Sense-Sam me In, Head Start, Sam me In kewe Wiseni Wisen Sense, me met kan...) le awora fansoun le kaé me essilefeili pworousen sileéchun tumunun nau me maritáán kukkun/teenage.

2. Anganga alen fitilongun sam me in kewe/famili lon mwékútúkútún sukul, kapachelong:
 - Y Apéchékkula ekkewe sam me in/famili le fiti sokkopaten prokram me ekkesile ngeniir ussun ekkewe fansoun mi fich ngeni ar repwe fitilong.
 - Y Awora ngeni sam kana me in/famili minnen allilisin sukul ar repwe áeáfengen me nóúr kewe.
 - Y Ekkesile ngeni sam me in kewe/famili usun anafotáán ekkewe prokramin sukul seni chon emwen me án nóúr we angang me feffeitáán lon ekkei prokram.
3. Atufichi chon famili kana le alisi sukulen nóúr kewe ren sokkopaten wiser. Awewe chék, ita ururun epwe awora ngeni sam me in kewe/famili fansoun fich ar repwe uwau meefier usun ekkewe kokkot mi pop seni ewe chon emwen me awora pwisin ar fansoun le angang lon sukul me lon ekkewe prokram lon sukul.
4. Awora minnen kait seni iir mi sou sile kokkoten fitilongen famili lon sukulen nóúr kewe ngeni sense me chon angang kana pwe repwe weweiti le féri.
5. Nenengeni iteitan kokkotéchun fitilongun sam me in kewe/famili lon eú me eú sukul me, pwal eú, lon unusen ewe district.
6. Mut ngeniir meinisin mi mochen ar tufichin katol me nóúni ekkewe minnen kait chon sense ra nóúnóú le asukula nóúr kewe.
7. Are mi fich, awora pwórous lon sokun fos mi weweéch ngeni sam me in.

Itenlap I, Prokram fan iten Migrant Education (MEP) me Limited English Proficiency (LEP) Ewe Kumin Chon Emwen a sile auchean fitilongun sam me in kewe/famili ika ekkewe Itenlap I, MEP me LEP prokram repwe sopwéch. Longolong won alluken mwúú, chon emwen me sam me in kewe repwe férfengeni me tipeúfengen won eché taropwe usun kokkoten fitilongun sam me in kewe me epwe kawor ngeniir mi

Itenlap I Prokram Fitilongun Sam me In Kewe

Ewe chon emwen me seman me inan iir mi fiti lon ewe Itenlap I prokram, repwe férfengeni me tipeúfengen won eché taropwe usun kokkoten fitilongun sam me in kewe, epwe affata ifa usun ewe chon emwen epwe:

1. Efisatá pwe sam me in kana repwe angangfengen woon férien ewe Itenlap I prokram me eniwili kaworen ena kokkot me uwau meefier usun amúrrinlon.
2. Awora minnen akotéch, allilis mi tichik me och minnen alilis mi lamot ar repwe alisi ekkewe sukul mi fiti ei prokram ar repwe akota me poputá fiti-

longun sam me in kana pwe epwe amúrrinélo sopwéchun chon sukul kana me lipwákéchuló ewe sukul.

3. Apéchékkúla tufichin sukul me sam me in kana le angangfengen.
4. Akotá me atipeúfengeni án ewe Itenlap I prokram kokkotun fitilongun sam me in kana me ren ekkewe ekkoch prokram lon sukul.
5. Iteiten ier, me ren sam me in kana, efiatá nengengenifichiin masouwen me fichiitin ei kokkotun fitilongun sam me in kana me ren an tufichin amúrrinélo napanapen ekkewe sukul a angang lon. Epwe kapachelong ar essisina och minnen epet ngeni fefeitáánin fitilongun sam me in kana lon och kokkot mi akota me ren alluken mwúú, akeiwin, me ren sam me in kana mi osupwang, apwangapwang are rese sissile fosun Merika, rese men sissile aleani, ika ra chon ekis. Ewe chon emwen epwe áeá ei pworous le féri och kokkot le efiatá múrrinéloon kokkotun fitilongun sam me in kana, me are mi lamot, ar repwe férséfali ekkewe kókkótun fitilongun sam me in kana.
6. Etiwa sam me in kana le fiti mwékútúkútún sukul.

Me ren alluken mwúú, iteitan sukul meinisin mi angei monien allilisin ewe Itenlap I prokram, repwe férfengeni, tipeúfengeni me aworafeli ngeni seman me inan iir mi fiti lon ewe Itenlap I prokram eché taropwe usun kokkotun fitilongun sam me in kana:

1. Ei taropwe epwe tawe ngeni chon oru me, are mi lamot, epwe férséfali pwe epwe fich ngeni minne mi éch ngeni ekkewe sukul me sam me in.
2. Epwe kapach ngeni ei taropwe atipeúwen sukun-sam me in pwe epwe affatá ifa usun sam me in kana, unusen ewe sukul me án ewe sukul chon angang repwe angangfengen woon wiser we le amúrrinélo sopwéchuun chon sukul, me ifa usun repwe akotá me apéchékkúla ar ririfengen le alisi ekkewe naú.
3. Iteitan sukul meinisin mi fiti kokkotun ewe Itenlap I prokram epwe akota eù mwiichfengen iteitan ier le ereni sam me in kana usun Itenlap I me etiwér ar repwe angangfengen rer le akkota, eniwili me amúrrinélo ekkewe Itenlap I prokram, kapachelong án ewe sukul prokramin fitilongun sam me in kana.

Án Ewe Prokramin Migrant Education Fitilongun Sam me In Kana

Seman me inan iir mi fiti lon ewe MEP repwe fitilong me etywa le uwau meefier usun fefeitáánin, poputáánin, angangen me eniwisefalin ewe Prokramin Migrant Education.

Seman me inan iir mi fiti lon ewe MEP repwe kuna minnen kait usun wiser le amúrrinélo sopwéchun nóúr kewe lon pekin sukul.

Án ewe Prokramin Limited English Proficiency Fitolongun Sam me In Kewe

Me ren alluken ewe mwúú, seman me inan iir mi fiti lon ewe LEP repwe angei pworousen án ewe district LEP prokram me aleenien nóúr kewe lon.

Epwe essila ngeni sam me in kana ar pwungapwung usun masouwen pworousen ei prokram me ar tufichin fiti.

Nennengenisefalin Ekkei Kapasen Emwen

Ewe chon emwen, fiti sam me in kana, epwe eniwili me nennengenisefali masouwen me fichiitin ekkei kapasen emwen lon eú me eú sukul iteitan ier. Ewe chon emwen epwe férsefali ekkei kapasen emwen are mi lamot pwe epwe féri ika amúrrinéló och kapasen emwenen fitilongun sam me in kana/famili.

Kumin Chon Emwen a Keran Áeá: March 13, 2006

Kumin Chon Emwen a Férsefal: December 10, 2007

Kumin Chon Emwen a Férsefal: November 9, 2015

Pworous mi Weneiti: ADF, District Wellness Program
CGC, State and Federal Programs Administration
JFH, Student Complaints and Grievances
JHC, Student Health Services and Requirements
JHDA, Surveying, Analyzing or Evaluating Students
KB, Public Information Program
KI, Public Solicitations/Advertising in District Facilities
KL, Public Complaints

Ekkewe Alluk mi Weneit: § [167.700](#), RSMo.
Protection of Pupil Rights Amendment, 20 U.S.C. § 1232h
No Child Left Behind Act of 2001, 20 U.S.C. §§ 6301 - 7941